

cación das medidas, os importes retidos e unha avaliación dos seus efectos no ano civil anterior, de acordo co establecido na regulamentación comunitaria.

Disposición derradeira primeira. *Facultade de desenvolvemento.*

Facúltase o ministro de Agricultura, Pesca e Alimentación, no ámbito das súas competencias, para desenvolver este real decreto, así como para adaptalo ás modificacións dos parámetros, límites e condicións que se produzan na normativa comunitaria, e para variar os termos e prazos previstos neste real decreto.

Disposición derradeira segunda. *Título competencial.*

Este real decreto dítase ó abeiro do disposto no artigo 149.1.13.^a da Constitución, que lle reserva ó Estado a competencia exclusiva sobre bases e coordinación da planificación xeral da actividade económica.

Disposición derradeira terceira. *Entrada en vigor.*

Este real decreto entrará en vigor o día seguinte ó da súa publicación no «Boletín Oficial del Estado».

Dado en Madrid o 13 de decembro de 2002.

JUAN CARLOS R.

O ministro de Agricultura, Pesca
e Alimentación,
MIGUEL ARIAS CAÑETE

MINISTERIO DE ADMINISTRACIÓN PÚBLICAS

25357 REAL DECRETO 1327/2002, do 13 de decembro, sobre determinación do custo efectivo correspondente ós servizos traspasados á Comunidade Autónoma de Galicia polo Real decreto 1838/1999, do 3 de decembro, en materia de ensinanza non universitaria (profesorado de relixión). («BOE» 312, do 30-12-2002.)

A Constitución, no artigo 149, resérvalle ó Estado a competencia exclusiva sobre regulación das condicións de obtención, expedición e homologación de títulos académicos e profesionais e normas básicas para o desenvolvemento do artigo 27 da Constitución, co fin de garantir o cumprimento das obrigas dos poderes públicos nesta materia.

Pola súa parte, o Estatuto de autonomía para Galicia, aprobado por Lei orgánica 1/1981, do 6 de abril, establece no seu artigo 31 que lle corresponde á Comunidade Autónoma de Galicia a competencia plena para a regulación e administración da ensinanza en toda a súa extensión, niveis e graos, modalidades e especialidades, no ámbito das súas competencias, sen prexuízo do disposto no artigo 27 da Constitución e leis orgánicas que, conforme o artigo 81.1 desta, o desenvolven, e sen prexuízo das facultades que lle atribúe ó Estado o artigo 149.1.30.^a e da alta inspección para o seu cumprimento e garantía.

Polo Real decreto 1838/1999, do 3 de decembro, foron ampliados as funcións e servizos traspasados á Comunidade Autónoma de Galicia en materia de profesorado de relixión, quedando pendente a fixación do custo efectivo correspondente a este profesorado, para integrar no sistema de financiamento, a que conclúese o período de equiparación retributiva a que se refire o artigo 93 da Lei 50/1998, do 30 de decembro, de medidas fiscais, administrativas e da orde social. Esta circunstancia produciuse no ano 2002.

Finalmente, o Real decreto 581/1982, do 26 de febreiro, regula a forma e condicións a que han de axustarse os traspasos de funcións e servizos da Administración do Estado á Comunidade Autónoma de Galicia.

De conformidade co disposto no real decreto citado, que tamén regula o funcionamento da Comisión Mixta de Transferencias prevista na disposición transitoria cuarta do Estatuto de autonomía para Galicia, esta comisión adoptou, na súa reunión do día 26 de novembro de 2002, o oportuno acordo, a virtualidade práctica do cal esixe a súa aprobación polo Goberno mediante real decreto.

Na súa virtude, en cumprimento do disposto na disposición transitoria cuarta do Estatuto de autonomía para Galicia, por proposta do ministro de Administracións Públicas e logo de deliberación do Consello de Ministros na súa reunión do día 13 de decembro de 2002,

DISPONGO:

Artigo 1.

Apróbese o Acordo da Comisión Mixta prevista na disposición transitoria cuarta do Estatuto de autonomía para Galicia, polo que se determina o custo efectivo correspondente ós servizos traspasados á Comunidade Autónoma de Galicia en materia de ensinanza non universitaria (profesorado de relixión), adoptado polo Pleno da dita comisión na súa reunión do día 26 de novembro de 2002, e que se transcribe como anexo a este real decreto.

Artigo 2.

En consecuencia, a valoración do custo efectivo obxecto deste acordo, para efectos da revisión do fondo de suficiencia, terá efectividade a partir da data sinalada no anexo a este real decreto.

Disposición derradeira única.

Este real decreto entrará en vigor o día seguinte ó da súa publicación no «Boletín Oficial del Estado».

Dado en Madrid o 13 de decembro de 2002.

JUAN CARLOS R.

O ministro de Administracións Públicas,
JAVIER ARENAS BOCANEGRA

ANEXO

Juan Palacios Benavente e Pedro Puy Fraga, secretarios da Comisión Mixta de Transferencias prevista na disposición transitoria cuarta do Estatuto de autonomía para Galicia,

CERTIFICAN

Que no Pleno da Comisión Mixta de Transferencias Administración do Estado-Comunidade Autónoma de Galicia, que tivo lugar o día 8 de outubro de 1999, se

adoptou un acordo sobre traspaso de funcións e servicios en materia de ensinanza non universitaria, no que se prevía que, unha vez concluído o período de equiparación retributiva a que se refire o artigo 93 da Lei 50/1998, do 30 de decembro, de medidas fiscais, administrativas e da orde social, se aprobase o correspondente acordo relativo ó importe do custo efectivo do profesorado de relixión, para integrar no sistema de financiamento das comunidades autónomas, e a conseguinte modificación do fondo de suficiencia da Comunidade Autónoma de Galicia. Esta circunstancia produciuse no ano 2002.

Concluído o período de homologación, a Comisión Mixta de Transferencias Administración do Estado-Comunidade Autónoma de Galicia, que tivo lugar o día 26 de novembro de 2002, adoptou un Acordo sobre a determinación do custo efectivo correspondente ós servicios traspasados á Comunidade Autónoma de Galicia polo Real decreto 1838/1999, do 3 de decembro, en materia de ensinanza non universitaria, relativo ó profesorado de relixión, nos termos que a continuación se indican:

A) Normas nas que se ampara o traspaso.

A Constitución, no artigo 149, resérvalle ó Estado a competencia exclusiva sobre regulación das condicións de obtención, expedición e homologación de títulos académicos e profesionais e normas básicas para o desenvolvemento do artigo 27 da Constitución, co fin de garantir o cumprimento das obrigas dos poderes públicos nesta materia.

Pola súa banda, o Estatuto de autonomía para Galicia, aprobado por Lei orgánica 1/1981, do 6 de abril, establece no seu artigo 31 que lle corresponde á Comunidade Autónoma de Galicia a competencia plena para a regulación e administración da ensinanza en toda a súa extensión, niveis e graos, modalidades e especialidades, no ámbito das súas competencias, sen prexuízo do disposto no artigo 27 da Constitución e leis orgánicas que, conforme o artigo 81.1 desta, o desenvolvan, e sen prexuízo das facultades que lle atribue ó Estado o artigo 149.1.30.^a e da alta inspección para o seu cumprimento e garantía.

Polo Real decreto 1838/1999, do 3 de decembro, foron ampliados as funcións e servicios traspasados á Comunidade Autónoma de Galicia en materia de profesorado de relixión, o custo dos cales non se integrará no sistema de financiamento ata a equiparación ó 100 por cento das retribucións do persoal interino ó que se refire o artigo 93 da Lei 50/1998, de medidas fiscais, administrativas e da orde social. Esta circunstancia produciuse no ano 2002.

Finalmente, a disposición transitoria cuarta do Estatuto de autonomía para Galicia e o Real decreto 581/1982, do 26 de febreiro, regulan a forma e condicións a que han de axustarse os traspasos de funcións e servicios da Administración do Estado á Comunidade Autónoma de Galicia.

En consecuencia, unha vez producida a equiparación de retribucións, procede determina-lo custo efectivo da ampliación de medios en materia de profesorado de relixión, que debe integrarse no financiamento da Comunidade Autónoma de Galicia, nos termos fixados na Lei 21/2001, do 27 de decembro, pola que se regulan as medidas fiscais e administrativas do novo sistema de financiamento das comunidades autónomas de réxime común e cidades con estatuto de autonomía.

B) Valoración das cargas financeiras dos servicios traspasados.

1. O custo efectivo anual en euros de 2002, correspondente ó profesorado de relixión ascende a 10.049.461,25 euros.

2. A valoración provisional no ano base 1999 que corresponde ó custo efectivo anual dos medios que se traspasaron á Comunidade Autónoma de Galicia elévase a 8.206.991,6 euros. A dita valoración será obxecto de revisión nos termos establecidos no artigo 16.1 da Lei 21/2001, do 27 de decembro, pola que se regulan as medidas fiscais e administrativas do novo sistema de financiamento das comunidades autónomas de réxime común e cidades con estatuto de autonomía.

3. Transitoriamente, ata que se produza a revisión do fondo de suficiencia como consecuencia da incorporación a este do custo efectivo deste traspaso, o financiamento deste custo seguirase producindo mediante a consolidación na sección 32 dos orzamentos xerais do Estado dos distintos compoñentes do dito custo.

C) Data de efectividade do acordo.

A valoración do custo efectivo obxecto deste acordo, para efectos da revisión do fondo de suficiencia, terá efectividade a partir do día 1 de xaneiro de 2003.

E para que conste, expedimos esta certificación en Santiago de Compostela, o 26 de novembro de 2002.—Os secretarios da Comisión Mixta, Juan Palacios Benavente e Pedro Puy Fraga.

XEFATURA DO ESTADO

25411 LEI 52/2002, do 30 de decembro, de orzamentos xerais do Estado para o ano 2003. («BOE» 313, do 31-12-2002.)

JUAN CARLOS I

REI DE ESPAÑA

Saiban tódolos que a viren e a entenderen que as Cortes Xerais aprobaron e eu sanciono a seguinte lei.

EXPOSICIÓN DE MOTIVOS

I

O Tribunal Constitucional, a partir da sentenza (STC) 27/1981, foi precisando o contido posible da lei anual de orzamentos xerais do Estado (SSTC 76/1992, 195/1994, entre outras). Veu a determina-lo Alto Tribunal que na lei de orzamentos xerais do Estado existe un contido mínimo necesario e indispoñible que está constituído pola determinación da previsión de ingresos e a autorización de gastos que poden realiza-lo Estado e entes a el vinculados ou del dependentes no exercicio de que se trate. Xunto a este contido necesario, cabe a posibilidade de que se engada un contido eventual, aínda que estrictamente delimitado. Este contido eventual da lei de orzamentos xerais do Estado queda limitado a aquelas materias ou cuestións que garden directa relación coas previsións de ingresos, as habilitacións de gasto ou os criterios de política económica xeral, que sexan complemento necesario para a máis fácil interpretación e máis eficaz execución dos orzamentos xerais do Estado (OXE), e da política económica do Goberno. As materias que queden á marxe destas previsións son materias alleas á lei de orzamentos xerais do Estado. Desta forma, o contido da lei de orzamentos xerais do Estado está constitucionalmente acoutado, a diferenza do que sucede coas demais leis, que teñen un contido, en principio, ilimitado, dentro do ámbito